

Von diser Brucke ziecht man fúrters der Reuß nach/dem Wald hinun-
 der/ da kombt man vnder dem Wald an ein Orth / heist beydersieits des
 Wassers im Ried/vnd von dañen gen Syllinen oder zum Stäg/auff der
 rechten Seiten der Reuß stehet noch das alte Burgstell Syllinen/da vor
 Zeiten das Adelic Geschlecht der Meyern von Syllinen gewohnet/ diß
 Geschlecht ist nach mahlen gen Lucern kofien/ auß welchem auch gewesen
 ist Herr Josi von Syllinen Probst zu Múnster/ 2c. von deme hernach etz
 was weiters gesagt soll werden. Allhie kan ich nit vnderlassen einer ande-
 ren gedencwürdigen Sachen meldung zuthun/die sich an dem gemeldten
 Orth zu Syllinē/wie mir im Landt Vry erichlt worden/vor wenig Jah-
 ren zugetragen/ ein verwegener gottloser Mensch vnd Spißhub/ hat bey
 dem Birth dieses Orths/der ein alter wohlbetagter Rañ/gezehrt/vñ als
 der Birth dem Bõswicht die Irten vmb drey Angster oder Pfenning höher
 gerechnet/als derselbig gottlos Mensch ihme selbstē eingebildet/fasset er
 ein grossen wider den alten Birth/ vnd nam ihme für/ mit Gelegenheit
 solches zurechen/nun was ebe zu selbiger Zeit in der Herberg ein Krämer/
 der wolt vber das Gebürg/auff dene gab der Spißhub Achtung / volget
 ihme nach / creplet ihne entlich / schlug ihne zu todt / vnd nam ihme sein
 Wahr vnd Gelt/als aber der Mörder darüber gefangen (dañ nicht bald
 einer so auff diser Strass/wegē enge des Passes/vnd man auff die reisende
 Achtung hat/ein solche That verrichtet/entweichē kan)vnd an die Warter
 geschlagē/hat er also bald den Mord bekennt/aber dabey vorgebē/das er bõ
 dem alten Rañ dem Birth darzu angestiftet wordē/auch solche sein An-
 sag auff den vnschuldigen Rañ an der Warter erhalten/darauff der alte
 Wirth eingezogē vnd peinlich gefragt worden/der dañ vnangesehen er
 gah vnschuldig) doch wegē angelegter ihme vnleidenlicher Warter bekennt/
 das er geklagter massē den Mörder auff die begangene Morthat gewisen/
 darumben er auch neben dem Mörder zu dem Tode verurtheilt worden/
 als nun die Execution beschehen sollē/der Mörder auff die Drechē gelegt/
 vñ in selbige Punctē ihme die Glider abgestossen werden sollē/ist er (zwey-
 fels ohne auß Schickung Gottes) in sich selbstē gange/den alte Rañ ent-
 schuldiget vnd bekennt das er auß lauter Rachgirikheit/wegē gemelter drey
 Angstern/so ihme an d Zách seinem Bedunckē nach zuvil gefordert wor-
 dē/ den gute alten in Schmach Schandvñ Gefahr gebracht/darauff die
 Irthel an dem Bõswicht vollzogē/der Wirth aber ledig gelassē worden.
 Von Syllinen hat die Reuß ihren Lauff gen Erstfeld oder Jagmat/so
 auff